

**Talamdan sa
Mga Mensahe alang sa Full-time Training
sa Tingdagdag sa 2023**

**LINANGKOB NGA HISGOTANAN:
ANG MAHINUNGDANONG MGA PUNTO SA KAMATUORAN SA MGA SULAT NI PABLO—
UNANG CORINTO**

Mensahe 1

**Ang Pagpahimulos sa Malangkobon-sa-tanan nga Cristo
nga Bugtong-talagsaong Sulbad sa Tanang Problema sa Iglesia**

Basahong Kasulatan: 1 Cor. 1:2, 9; Jer. 2:13; Lam. 3:22-24

- I. Ang 1 Corinto basahon sa pagpahimulos sa malangkobon-sa-tanan nga Cristo nga bugtong-talagsaong sulbad sa tanang problema sa iglesia—1:2; 9, 24, 30:**
- A. Gitawag tang tanan ngadto sa pakig-ambitay, sa pagpahimulos, ni Cristo (v. 9); ang pulong “pakig-ambitay” naglakip sa hunahuna sa pagpahimulos; pahat nato si Cristo nga gihatag sa Dios kanato aron atong mapahimuslan (1 Cor. 1:2; Col. 1:12).
 - B. Sa 1 Corinto tuyo ni apostol Pablo nga sulbaron ang mga problema diha sa mga balaan sa Corinto; ang bugtong sulbad sa tanang problema, labi na sa pagbahinbahin, pagpahimulos man kang Cristo nga malangkobon-sa-tanan.
 - C. Itingob gyod nato ang atong pagtagad ni Cristo, dili sa mga tawo, mga butang, o mga hitabo, nga dili si Cristo; ipunting gyod nato ang atong pagtagad ni Cristo nga bugtong-talagsaong sentro nga gitudlo sa Dios, aron masulbad ang tanang problema diha sa mga magtutuo—1:9; Col. 1:17b, 18b.
 - D. Ang tumong nato mao ang kinahingpitang pagpahimulos ug kinahingpitang pagkabaton ni Cristo aron matukod ang Lawas ni Cristo; mosangpot kini sa kinahingpitang pagpahimulos nato ni Cristo nga ganti nato sa panahon sa gingharian nga usa ka libo ka tuig—3:14; Mat. 25:21, 23.
 - E. Mga tawo gyod unta ta nga “naghunahuna sa usa ka butang”; ang *usa ka butang* sa Filipos nagpasabot sa subjectibong pagkaila, pagsinati, ug pagpahimulos kang Cristo; ang *usa ka butang* mao ang pagpursigir kang Cristo aron mabatonan ug mapanag-iya Siya—Fil. 2:2, 5; 1:20-21; 3:7-14; 4:13:
 - 1. Ipunting gyod ang atong hunahuna sa labaw nga pagkamaayo sa pagkaila ni Cristo ug sa pagsinati ug pagpahimulos kang Cristo; ang pagpunting nato niini sa bisan unsang butang makapalahi natog hunahuna, ug tungod niana makamugnag mga pagbingkilay sa atong taliwala—1 Cor. 1:10; Fil. 3:8-9, 15; 4:2.
 - 2. Ang paghunahunag laing butang gawas ning usa ka butang pagsupil man batok sa pamatigayon sa Dios; ang pamatigayon sa Dios mao nga maghunahuna ta sa usa ka butang; diha sa iglesiahanong kinabuhi tabangan gyod nato ang mga balaan nga maghunahuna sa usa ka butang; ipunting gyod ang atong mga hunahuna diha sa ug mapuno sa pagpahimulos kang Cristo alang sa iglesiahanong kinabuhi, sa kinabuhi sa Lawas.
- II. Gipadayag sa 1 Corinto nga ang paagi nga makapahimulos ta sa Ginoo paghigugma man Kaniya (2:9-10; 16:22) ug paghigugmaay sa usag usa (13:1-8a); ang pahiuli sa Ginoo pagpahiuli man sa paghigugma nato ni Ginoong Jesus sa unang gugma, sa labing maayong gugma (Bug. 2:4; 1 Juan 4:19), ug sa paghigugmaay sa usag usa aron matukod ang organicong Lawas ni Cristo (Efe. 4:16):**
- A. Ang paghigugma nato sa Ginoo gikinahanglan gyod kaayo aron makasulod ta sa Iyang kasingkasing ug makasabot sa tanang sekreto niini ug aron makaamgo ug makaambit ta sa lalom ug natagong mga butang sa Dios nga gitudlo ug giandam Niya alang nato—1 Cor. 2:9-10; Mat. 22:37-38; Sal. 73:25; 116:1-2:
 - 1. Nagsugod ang pagkadaot sa iglesia sa pagbiya nato sa atong unang gugma sa Ginoo; ang paghigugma nato sa Ginoo sa unang gugma, sa labing maayong gugma, pagpauna man Niya sa tanang butang, gipugngan sa Iyang gugma aron mag-isip ug maghimo Niyang tanan sa atong kinabuhi—Bug. 2:4-5; Col. 1:18b; 2 Cor. 5:14-15; Mar. 12:30; Sal. 73:25-26:
 - 2. Persona ang kinabuhi mismo nga nadawat nato sa pagtuo nato ni Ginoong Jesus, ug ang bugtong paagi nga maaplikar ug mapahimuslan nato kining personaha paghigugma man

Kaniya sa unang gugma; kay persona man si Ginoong Jesus nga kinabuhi nato, nagkina-hanglan tag bag-ong pagkontak Kaniya aron makapahimulos sa presensya Niya karon gyong tungora ug sa adlaw-adlaw—Juan 11:25; 14:5-6; 1 Tim. 1:14; Juan 14:21, 23; 2 Cor. 5:14-15; Bug. 2:4-7; Col. 1:18b; Rom. 6:4; 7:6; *Mga Alawiton*, #559.

3. Mga tawo gyod unta ta nga gibahaan ug gianod sa gugma ni Cristo; sama gyod unta sa daghan kaayong tubig nga nibul-og kanato ang diosnong gugma, nga mopugos nato nga magkinabuhi ngadto Niya ug mahigugma Niya sa kinabug-osan gyod nga dili nato mapugngan—2 Cor. 5:14.
 4. Aron bug-os gyong mahigugma sa Ginoo, mga tawo gyod unta ta nga nangandoy ug nagtinguha nga mopuyo sa balay sa Dios sa tanang adlaw sa atong kinabuhi, aron mosud-ong sa Iyang katahom (pagkahiligugmaon, pagkamakapahimuot, pagkamakalipay), ug magpakisayod sa Dios sa Iyang templo; ang magpakisayod sa Dios mangutana man Niya kalabot sa tanang butang sa adlaw-adlawng kinabuhi nato—Sal. 27:4; Rom. 8:6b; Mal. 2:15-16.
- B. Ang gugma maoy labing maayong paagi nga mahimo tang bisan unta ug makabuhat og bisan unta aron matukod ang iglesia nga organicong ang Lawas ni Cristo—1 Cor. 12:31b—13:8a:
1. Ang gugmang gibatbat ni Pablo sa 1 Corinto 13 mao ang pagpadayag sa diosnong kinabuhi (vv. 4-8a); labot pa, kay bunga man sa Espiritu ang gugma nagpakita kini nga ang pagkamao sa gugma mao gyod ang Espiritu (Gal. 5:22); kon wala tay gugma, ang pagpamulong nato sama ra sa gipalanog nga agong ug nagtagingting nga piyangpiyang, nga nagpatingog nga walay kinabuhi (1 Cor. 13:1; 14:1, 3, 4b, 12, 31; 2 Cor. 3:6).
 2. Dili abughoan ang gugma, dili dali masuko, dili tig-isip sa daotan, motabon sa tanang butang, moagwanta sa tanang butang, molungtad sa tanang butang, ug maoy kinalabwan—1 Cor. 13:4-8, 13.
 3. “Makapaburot ang kahibalo, apan makatukod ang gugma”; maminaw tingali ta sa mga mensahe sa ministri ug moburot tungod sa kahibalo lang—1 Cor. 8:1b; itandi sa 2 Cor. 3:6.
 4. Ang balaod sa Espiritu sa kinabuhi mao ang balaod ni Cristo nga balaod sa gugma—Rom. 8:2; Gal. 6:2-3.
 5. Mapalihok na ngani ang balaod sa gugma sa sulod nato, awtomatiko ug diha-dayong mahimo tang mga magbalantay nga naay mahigugmaon ug mapasayloong kasingkasing sa atong Amahan nga Dios ug naay maatimanon ug mapangitaong espiritu sa atong Manlu-luwas nga Cristo—Juan 21:15-17; Luc. 15:3-7.
 6. Mapalihok na ngani ang balaod sa gugma sa sulod nato, paghago sa gugma ang paghago nato diha sa Ginoo (1 Cor. 15:58; 1 Tes. 1:3) nga niini “tabangan nato ang mga maluyahon” (Buh. 20:35) ug “tabangi ang mga maluyahon” (1 Tes. 5:14); nagpasabot ang *mga maluyahon* sa mga maluyahon sa ila bang espiritu o kalag o lawas, o sa mga maluyahon sa pagtuo (Rom. 14:1; 15:1).
 7. Ang Cristo nga gihigugma nato mao si Cristo nga nahigugma sa iglesia; kon nahigugma ta Niya, mahigugma ta sa iglesia sama sa paghigugma Niya niini—Efe. 5:25.
 8. Kinabuhi sa gugmang inigsoon ang iglesiahanong kinabuhi (1 Juan 4:7-8; 2 Juan 5-6; Juan 15:12, 17; Bug. 3:7; Efe. 5:2, itandi sa Judas 12a), ug gitukod sa Lawas ang iyang kaugalingon diha sa gugma (Efe. 4:16).
 9. Espiritu sa gugma ang hinatag-sa-Dios, gipanganak pag-usab nga espiritu nato; nagkina-hanglan tag nagdilaab nga espiritu sa gugma aron modaog sa pagkadaot sa iglesia karon—2 Tim. 1:7.
- C. Matinuod alang nato ang gugma nato sa usag usa sa labi pa gyod tang makasinati ug makapahimulos sa panagsakot aron mausa, matukod, ug marealidad ang Lawas ni Cristo—1 Cor. 12:14-27; Rom. 16:1-16; Col. 4:16; John 12:24; Lev. 2:4-5.

III. Gipadayag sa 1 Corinto nga gihatag sa Dios kanato si Cristo nga malangkobon-sa-tanan, nga dunay kadato nga labing menos kawhaan ka butang, isip atong pahat nga atong mapahimuslan; ang sekreto sa Cristohanong kinabuhi ug sa iglesiahanong kinabuhi pagpahimuslan man nato ni Cristo—1 Cor. 1:9:

- A. Pahimuslan gyod nato si Cristo nga mao ang pahat nga gihatag sa Dios kanato—v. 2.
- B. Pahimuslan gyod nato si Cristo nga gahom ug kaalam sa Dios isip pagkamatarong, pagkabalaan, ug katubsanan nato—vv. 24, 30.
- C. Pahimuslan gyod nato si Cristo nga Ginoo sa himaya, ang Hari man ngani sa himaya, aron mahimaya ta—2:7-8; Rom. 8:30; Sal. 24:6-10.
- D. Pahimuslan gyod nato si Cristo nga mga kahiladman (laglom nga mga butang) sa Dios—1 Cor. 2:10.

- E. Pahimuslan gyod nato si Cristo nga bugtong-talagsaong patukoranan sa balay sa Dios—3:11.
- F. Pahimuslan gyod nato si Cristo nga atong Pasko (5:7), ang tinapay nga walay lewadura (v. 8), ang espirituhanong kalan-on, espirituhanong ilimnon, ug espirituhanong dakong bato (10:3-4).
- G. Pahimuslan gyod nato si Cristo nga Ulo (11:3; Col. 2:19; Efe. 1:19-23) ug Lawas (1 Cor. 12:12, 24-25a; Efe. 4:15-16).
- H. Pahimuslan gyod nato si Cristo nga mga unang-bunga (15:20, 23), ang ikaduhang tawo (v. 47), ug ang kataposang Adam, nga nahimong Espiritung taghatag-og-kinabuhi (v. 45) aron mahimong tanan nato.

IV. Matinumanon ang Dios sa pagtawag kanato ngadto sa pakig-ambitay, ngadto sa pagpahimulos, sa Iyang Anak, apan makadaghan nga wala ta magmatinumanon sa pagtawag Niya kanato ngadto sa Iyang tuyo—1:9; Jer. 2:13; Lam. 3:22-24:

- A. Tuyo sa Dios sa Iyang pamatigayon nga mahimong tuboran, tinubdan, sa buhing mga tubig aron ipaambit ang Iyang Kaugalingon kanato aron matagbaw ug makapahimulos ta; ang tumong ning pagpahimulosa mao ang pagpalugwa sa iglesia, sa kapikas sa Dios, nga pagtubo sa Dios, pagdako sa Dios, aron mahimong kahupnganan sa Dios nga magpadayag Niya—Juan 3:29-30; Efe. 3:16-19, 21.
- B. Ang bugtong paagi nga madawat nato ang Dios nga tuboran sa buhing mga tubig pag-inom man Kaniya ug ipaagay Siya adlaw-adlaw; nagkinahanglan kini nga mapadayonon tang motawag sa ngalan sa Ginoo (uban sa pag-awit, pagpasalamat, pagkalipay, pag-ampo, pagdayeg, ug pagmantala sa nagluwas nga mga buhat sa Dios ngadto sa uban)—Sal. 36:8-9; Isa. 12:3-6; 1 Cor. 12:13; Juan 7:37-39; 4:10, 14; Rom. 10:12-13; 1 Tes. 5:16-18.
- C. Imbis magpahimulos sa Dios pinaagi sa pag-inom Kaniya, wala magmatinumanon sa Dios ang Iyang katawhan sa paghimo nilag duha ka kadaotan—“Nakahimog duha ka kadaotan ang Akong katawhan: Gisalikway Ko nila, / Ang tuboran sa buhing mga tubig, / Aron magkalot alang sa ilang kaugalingon og mga pundohanan, / Mga pundohanan nga niliki, / Nga dili kasudlag tubig”—Jer. 2:13:
 1. Una, gisalikway sa katawhan sa Dios ang Dios nga ilang tuboran, tinubdan, nga mapahimuslan nila; ikaduha, nangadto sila sa ubang mga tinubdan nga dili ang Dios nga dili makatagbaw nila o makahimo nilang pagdako sa Dios nga Iyang kahupnganan nga magpadayag Niya.
 2. Ang pagkalot og mga pundohanan naghulagway sa paghago sa Israel sa tawhanong pagpangabudlay nila aron maghimong mga butang (mga diosdios) nga ipuli sa Dios; kanang niliki ang mga pundohanan ug dili kasudlag tubig nagpakita nga kon dili ikapaambit kanato ang Dios mismo ingon nga buhing tubig, walay makatagbaw sa atong kauhaw ug makahimo natong pagtubo sa Dios nga magpadayag Niya—Juan 4:13-14.
- D. Ang daotang kahintang sa mga daotan mao nga dili sila moduol sa Ginoo aron mokaon, moinom, ug mopahimulos Niya; nagbuhat silag daghang butang, apan dili sila moduol aron mokontak sa Ginoo, modawat Niya, motilaw Niya, ug mopahimulos Niya; sa panan-aw sa Dios, walay labaw pa kadaotan kay niini—Isa. 57:20; itandi sa Isa. 55:1-2, 6-7.
- E. Bisan dili ta matinumanon, matinumanon ang Dios, apan dili segun sa natural nga pagsabot o hunahuna nato ang pagkamatinumanon sa Dios:
 1. Matinumanon ang Dios sa pagkuha sa atong mga diosdios; ang bisan unsang naa sa sulod nato nga gihigugma nato labaw sa Ginoo o nakapuli sa Ginoo sa atong kinabuhi diosdios man—Ezeq. 14:3; 1 Juan 5:21.
 2. Ang dayag nga kalinaw sa atong palibot, ang personal nga kahayahay ug kahamugaway nato, ug ang atong katigayonan posible mang mahimong mga diosdios nato nga magpasaag nato; apan matinumanon ang Dios sa pagkuha ning mga butanga aron moinom ta Niya nga tuboran sa buhing mga tubig.
 3. Matinumanon ang Dios sa pagtugot nga magkaproblema ta aron makat-on ta nga dili mosalig sa atong kaugalingon kondili Kaniya ug aron madala ta Niya nganha sa Iyang pamatigayon aron makapahimulos ta ni Cristo, makasuyop ni Cristo, makainom ni Cristo, makakaon ni Cristo, ug makahilis-sagol ni Cristo aron motubo ang Dios sa sulod nato ug matuman ang Iyang pamatigayon—Jer. 17:7-8; 2 Cor. 1:8-9; Juan 16:33.
 4. Wala maikag ang Dios sa bisan unsa kondili sa pagpahimulos ra nato ni Cristo; naghunahuna tingali ta nga tungod sa atong kapakyasan, wala na tay paglaom, apan diha sa Dios wala may kahigawad; ang kapakyasan nato naghatag lang higayon nga makasulod si Cristo aron mahimong tanan nato, makapadala Niya kanato hangtod mahamtong—Rom. 8:28-29; Heb. 6:1a; Gen. 37:1 ug nota 1; 47:7 ug nota 1.